

**Kwa baka zliya tsasliti
Zhanj
Kwəma dza ghwəmməə gha
sənataa dzəkən zliya na**

Ma ntsaa tsasliti zliya nay, gəzə slən tsa ci na mbəw, war a na nə na: «Ndə 'wa kwal kaa mbəzliy nəw Yesəw na» kə. Ma kə mbəzli nashi ki na, Zhanj ntsa ta səda Yesəw na. Sa nzana nəwər tsa mbə zliya nay, aa dī yəməva lə sa mbə kwa taŋa zliya Zhanj va. Dzəkən mbəzli ka slasla dzərvə gəzə na lə dzəkən dī ghən kwa kwal Hyala. Kaa nahwəti mali dikə na ghəshi lə ndərazhi nəzə tsasliti Zhanj zliya na. Ma kə nihwəti mbəzli na, ta vəli kaa nihwəti mbəzli Yesəw tsasliti na, kaa mali lə ndərazhi nəzə katanj naw, kə ghəshi.

Səkwəpə

¹ Yən yən ndə 'wa kwal kaa mbəzliy nəw Yesəw *Kəristəw tsasli na zliya na kaa ngəŋa gha mali təravə Hyala, lə kaa ndərazhi gha va dee. Kwataka yən kwətira dīŋwəy naw, mbə dīŋwəy na ya tsamaɓa ntsaa sənata kwəma Hyala katanj na gwa'a. ² Sa nza ghwəy lə kwəma katanj na mbə nefer ghwəy, va tsəgha dīŋwəy ya, lə sa nzana, mbə nefer ghwəmməə ghənzə taa nza ya pa' hwəmba.

³ Nza Didi Hyala ghəshi lə Zəghwə ci Yesəw Kəristəw məntəmmə wəzə hwər tsa shi, ka məntəmmə zhəhwər, ka fambəmmə zərkə mbə nefer ghwəmmə. Tsəgha dza shi vaa nza tə ghwəmmə, ghwəmmə shiy nəw kwəma katan na va, ka dīva kwa jipə ghwəmmə.

Kwəma katan na, lə kwəma dī ghən

⁴ Ma yənəy, dalala vəshiree, sa favee njasa nəw nihwəti ndərazhi gha kwəma katan na. Njasa gəzəkəmmə Didi Hyala va məniy, tsəgha məni ghəshi. ⁵ A kwajinee na, ə pə ghwəmmə dī ghən tsa ghwəmmə kwa jipə ghwəmmə! Ma kwəma gəzanwəy ya nay, nahwəti kwəma gəzəkə məndi 'war'war na ta məniy ghakee tsasliwəy tiw. Kwəmaa niy favə ghwəy va kwatanata na. ⁶ Mba'a pə ghwəmmə dī ghən tsa ghwəmmə, ka dī Hyalay, ghalaba na, mbə dī fəti nza ghwəmmə ta kwəma gəzəkəmmə Hyala va ta məni. Ma kwəma gha Hyalaa gəzanwəy kwatanata ta məni ghwəyəy: «Dim ghən tsa ghwəy» kə. Ava kwəma dza ghwəy nəw mbə nzəy tsa ghwəy.

⁷ Daŋ tsahwəshi ka dzərvə dzəti hidī. Mbəzli vay, ka dī zləba ghəshi a Yesəw *Kəristəw səəkəy tikə tə hidī, ka zhəghəti ghən tsa ci ka ndə ngəri, kə ghəshiw. Ma ntsaa dī ma vaa zləba tsəgha kiy, ghəci na ndə jaka tsa Kəristəw, ghəci na ndə slaslapə dzərvə ki. ⁸ Va tsəgha na kiy, mənim məhərli tərəjw. Vantaa sləni ghərati ghəy va mbə ghwəy nza gəmta, war

mba'a ghwøy kwømvə zhømə ghwøy gwanata dī na.

⁹ Sənay tə ghwøy, ntsaa fə ma ghən ta nəw kwøma ya hwømba njasa banavømmə Yesəw Kəristəw, war dzar kwa tsa ci kwal kwətiy ghəciy dī məni kwømay, jakøy tsava ndə ghəshi lə Hyala ya jəwəw. Ma ntsaa nəw kwøma ya hwømba njasa banavømmə Yesəwəy, a tsava ndə jakøy lə Didi Hyala mba'a lə Zəghwə nzə.

¹⁰ Va tsəgha nə ya kiy, war mba'a kə ndə səəkøy, ka bəniñwøy shiy, dzəghwa kala dzaghəvashi shi va lə ni banavømmə Yesəw Kəristəwəy, əntaa ghwøy taa zləba gəla tsava ndə ghəciy dzakə ghi tsa ghwøy ma! Əntaa ghwøy səkwə ya səkwə nzə ma! ¹¹ Sa nzana, ma ntsaa dzaa səkwətiy, jakə dza ghəshiy nza tə kwøma ci va jikir na lə tsava ndə.

Səkwəva lə kwa kərnī gəzə kwøma

¹² Sənzənvə kiy, mbəzliyay, dfañ na nihwəti shi dəe gəzəñwøy. Kala dəe tsasliñwøy shi va tsasli tsasliy dzəti zliya. Ma dī yay, mba'ee tsəhəra vəgha ghwøy də'wə ghən tsee, nza ghwømmə sləkahwə kwøma kwa mətse kwa mətse, ta mbə vəshi ghwømməə kərkəta.

¹³ Mbə səkwəña na ndərazhi zhaməña. Zhaməña təravə Hyala va, njasa təravəña na va kwərakwə. Ava tība kərayee, nza ghwøy nza ki.

**Zliya Yəwən kwəma wəzə naa dzəkən
Yesəw Kəristəw**

**Bana: Zliya Yəwən kwəma wəzə naa dzəkən Yesəw
Kəristəw New Testament**

Le Nouveau Testament en langue Bana du Cameroun

copyright © 2005 Wycliffe Bible Translators, Inc.

Language: Bana

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Feb 2024 from source
files dated 29 Jan 2022

ae014872-94cd-54bc-869e-601bde2245b3